



SLUŽBENI GLASNIK OPĆINE KALESIJA

Godina: LII

Utorak, 07.11.2017.godine
K A L E S I J A

Broj: 10

OPĆINSKO VIJEĆE 161

Na osnovu člana 13. Zakona o principima lokalne samouprave u Federaciji Bosne i Hercegovine ("Sl. novine FBiH", broj 49/06 i 51/09), člana 118. i člana 119. stav 1. Statuta općine Kalesija – Prečišćeni tekst ("Službeni glasnik općine Kalesija", broj 10/07, 7/08, 10/11, 3/12 i 6/13) Općinsko vijeće Kalesija, na sjednici održanoj dana 28.10.2017.godine, d o n o s i

O D L U K U

**o izmjenama Odluke o izboru članova vijeća
Mjesnih zajednica na području općine Kalesija**

Član 1.

Član 2. Odluke o izboru članova vijeća Mjesnih zajednica na području općine Kalesija, ("Službeni glasnik općine Kalesija" broj: 4/17, 6/17 i 7/17), mijenja se i glasi:

- MZ Miljanovci, u rubrici Prezime i ime kandidata umjesto Hasanović (Jakub) Enes treba da stoji **Čanić (Ahmet) Šefik**, a u rubrici Prijedlog političkog subjekta, umjesto Općinski načelnik, treba da stoji **BPS**,
- MZ Rainci Donji, u rubrici Prezime i ime kandidata umjesto Salkić (Mujo) Ibro treba da stoji **Barčić (Avdo) Abdulah**, a u rubrici Prijedlog političkog subjekta, umjesto Općinski načelnik, treba da stoji **BPS**,
- MZ Kikači, u rubrici Prezime i ime kandidata umjesto Selimović (Ferid) Esed treba da stoji **Selimović (Mehmed) Mujaga**, a u rubrici Prijedlog političkog subjekta, umjesto Općinski načelnik, treba da stoji **BPS**,
- MZ Dubnica, u rubrici Prezime i ime kandidata umjesto Islamović (Džemal) Said treba da stoji **Bešić (Ismet) Almir**, a u rubrici Prijedlog političkog subjekta, umjesto Općinski načelnik, treba da stoji **BPS**,
- MZ Kalesija Centar, u rubrici Prezime i ime kandidata umjesto Đedović (Šemso) Ismet treba da stoji **Hadžić (Ragib) Adem**, a u rubrici Prijedlog političkog subjekta, umjesto Općinski načelnik, treba da stoji **BPS**,
- MZ Gojčin, u rubrici Prezime i ime kandidata umjesto Makalić (Avdija) Mustafa treba da stoji **Ačkanović (Alija) Hamza**,
- MZ Jajići, u rubrici Prezime i ime kandidata umjesto Tahirović (Ferid) Mirnes treba da stoji **Hamzić (Bego) Besim**, a u rubrici Prijedlog političkog subjekta, umjesto Općinski načelnik, treba da stoji **BPS**,
- MZ Bulatovci, u rubrici Prezime i ime kandidata umjesto Šapčanović (Ibrahim) Jahija treba da stoji **Bečić (Mujo) Ibro**, a u rubrici Prijedlog političkog subjekta, umjesto Općinski načelnik, treba da stoji **BPS**,
- MZ Brda, u rubrici Prezime i ime kandidata umjesto Đedović (Mustafa) Meliha treba da stoji **Serdarević (Fehim) Alija**, a u rubrici Prijedlog političkog subjekta, umjesto Općinski načelnik, treba da stoji **BPS**,
- MZ Rainci Gornji, u rubrici Prezime i ime kandidata umjesto Omerović (Ohran) Adnan treba da stoji **Sokolović (Asim) Denisa**, a u rubrici Prijedlog političkog subjekta, umjesto Općinski načelnik, treba da stoji **BPS**,
- MZ Memići, u rubrici Prezime i ime kandidata umjesto **Bešlić (Muharem) Husein**, treba da stoji **Bečić (Avdo) Dževad**, a u rubrici Prijedlog političkog subjekta, umjesto NL-SDŽ, treba da stoji **BPS**,
- MZ Rainci Donji, u rubrici Prezime i ime kandidata umjesto **Suljkanović (Bajre) Elvedin**, treba da stoji **Ponjavić (Alije) Mevludin**.

Član 2.

Ova odluka stupa na snagu danom objavljivanja u "Službenom glasniku općine Kalesija".

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-6202/17
Datum, 30.10.2017. godine

PREDSJEDAVALAČI
OPĆINSKOG VIJEĆA

mr.med.sc.dr. Enes Idrizović
specijalista opšte hirurgije, s.r.

162

Na osnovu člana 13. Zakona o principima lokalne samouprave u Federaciji Bosne i Hercegovine („Sl. novine FBiH“, broj 49/06 i 51/09) i člana 42. Statuta općine Kalesija – Prečišćeni tekst („Sl. glasnik općine Kalesija“ broj 10/07, 7/08, 10/11, 3/12 i 6/13), Općinsko vijeće Kalesija, na sjednici održanoj 28.10.2017.godine, d o n o s i

ODLUKU o određivanju lokacije za izgradnju hladnjače za voće i povrće

Član 1.

Ovom odlukom određuje se lokacija i potrebna površina za izgradnju hladnjače za voće i povrće u sklopu projekta iz oblasti ruralnog razvoja prema Uredu za koordinaciju projekta (PCU) pri Federalnom ministarstvu poljoprivrede, vodoprivrede i šumarstva u okviru "Projekta razvoja ruralnog poslovanja (RBDP:IFAD-Lo-I-859-BA;OFID-Lo-4930)" za finansiranje izgradnje i rekonstrukcije tržišne ruralne infrastrukture.

Član 2.

Lokacija za izgradnju hladnjače za voće i povrće određuje se na lokalitetu zv. Mokrače mjesna Zajednica Miljanovci na parcelama označenim sa kč. broj 360 zvana "Đedovo polje" u naravi njiva 5 klase u površini od 3986 m² i kč. broj 359/1 zvana "Đedovo polje" u naravi njiva 5 klase u površini od 221287 m².

Potrebna površina koja se utvrđuje za objekat hladnjače za voće i povrće iznosi ukupno 15000 m².

Član 3.

Ugovor o zakupu poljoprivrednog zemljišta u vlasništvu države a koji je zaključen između Kantonalnog ministarstva poljoprivrede, šumarstva i vodoprivrede TK sa jedne strane kao zakupodavca i individualnih poljoprivrednih proizvođača sa druge strane kao zakupaca na lokalitetu iz člana 2. ove

odluke za dio površine od 15000 m², biće raskinuti u svrhu privođenja zemljišta namjeni za izgradnju hladnjače za voće i povrće.

Član 4.

Ova odluka stupa na snagu danom objavljivanja u "Službenom glasniku općine Kalesija".

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-6201/17
Datum, 30.10.2017. godine

PREDSJEDAVALAČI
OPĆINSKOG VIJEĆA

mr.med.sc.dr. Enes Idrizović
specijalista opšte hirurgije, s.r.

163

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09), član 6. i 8. Zakona o komunalnim djelatnostima („Službene novine TK-a“, broj: 11/05, 7/07, 8/12 i 14/13) i člana 42. Statuta općine Kalesija – Prečišćen tekst („Službeni glasnik općine Kalesija“, broj: 10/07, 7/08, 10/11, 3/12 i 6/13), Općinsko vijeće Kalesija, na sjednici održanoj dana, 28.10.2017.godine, donosi

ODLUKU O IZMJENAMA I DOPUNAMA ODLUKE O JAVNIM PARKIRALIŠTIMA NA PODRUČJU OPĆINE KALESIJA

Odluka o javnim parkiralištima na području općine Kalesija (Službeni glasnik općine Kalesija br. 1/17), mijenja se i dopunjava, kako slijedi:

Član 1.

Član 1., mijenja se i glasi:
"Odlukom o javnim parkiralištima na području općine Kalesija (**u daljem tekstu Odluka**), određuju se parkirališne površine s naplatom (u daljem tekstu: **Javna parkirališta**), propisuje pojam i vrste javnih parkirališta, povjerava upravljanje javnim parkiralištima, utvrđuju uslovi, način korištenja, organizacija i način naplate parkiranja, vrste i cijene parking karti prema tarifnim zonama, te druga pitanja od značaja za rad i funkcionisanje javnih parkirališta na području općine Kalesija."

Član 2.

U članu 2. stav 2., mijenja se i glasi:

"Upravljanje javnim parkiralištima na području općine Kalesija vrši JP „Vodovod i kanalizacija Kalesija“ d.o.o. Kalesija (u daljem tekstu: **Preduzeće**), u skladu sa Zakonom i podzakonskim aktima, odredbama ove Odluke i aktima preduzeća."

Dodaje se novi stav 3. koji glasi:

"Komunalne usluge parkiranja vozila na javnim parkiralištima na području Općine Kalesija koristi fizičko i pravno lice (u daljem tekstu: **Korisnik**), po uslovima propisanim Zakonom i podzakonskim aktima, odredbama ove Odluke i aktima preduzeća."

Član 3.

U Članu 9., dodaje se novi stav 2. koji glasi:

"Način rezervacije parking mjesta i uslovi korištenja istih, urediti će se posebnim aktom preduzeća."

Član 4.

Član 11., mijenja se i glasi:

"Zaustavljanje vozila podrazumjeva prekid kretanja vozila na cesti u trajanju do 5 (pet) minuta. Parkiranje vozila na javnim parkiralištima na području Općine Kalesija podrazumjeva prekid kretanja vozila u trajanju dužem od 5 (pet) minuta.

Parkiranjem vozila na javnim parkiralištima na području Općine Kalesija, korisnik prihvata propisane uslove za korištenje javnog parkirališta i stiče pravo korištenja parking mjesta."

Član 5.

U Članu 15. stav 1. tačka 3., tekst u zagradi (I zona) mijenja se tekstom "(II zona)". Tačka 6. tekst u zagradi (I zona) mijenja se tekstom "(II zona)". Tačka 12. tekst u zagradi (II zona) mijenja se tekstom "(I zona)". Poslije tačke 12. dodaju se nove tačke 13., 14. i 15., koje glase: "

13. Ul. Senada Požegića od Doma Zdravlja Kalesija do kraja ulice Senada Požegića (Iizona),

14. Parking oko gradske pijace (I zona),

15. Parking ispred zgrade "Bijeljinka", ispred "Porezna ispostava Kalesija" i ispred "NLB banke" (II zona).

Stav 2. se briše. Dosadašnji stav 3. postaje stav 2.

Član 6.

Poslije člana 16., dodaje se novi član 16.a., koji glasi:

"Za korištenje javnih parkirališta iz ove Odluke korisnik parkirališta mora imati odgovarajuću parking kartu. Parking karta je isprava kojom korisnik javnih parkirališta dokazuje da je platio odgovarajuću naknadu prema zoni parkiranja te da

se na parkiralištu zadržava u okviru propisanog vremena.

Satna parking karta je karta koja se izdaje za određenu zonu za vrijeme korištenja parkirališta od jednog(1) sata do više sati.

Dnevna parking karta je karta za određenu zonu i važi od trenutka izdavanja do istog vremena u sljedećem danu (24 sata).

Mjesečna parking karta je karta za određenu zonu i važi od datuma izdavanja tekućeg mjeseca do istog datuma narednog mjeseca.

Godišnja parking karta je karta za određenu zonu i važi od datuma izdavanja tekuće godine do istog datuma naredne godine.

Stanarska parking karta je karta za određenu zonu za stanare; čiji se stambeni objekat nalazi unutar parkirališnih zona, imaju vozilo registrovano na svoje ime i prijavljeno prebivalište u zoni naplate parkiranja a izdaje se kao mjesečna ili godišnja stanarska karta.

Mjesečna i godišnja parking karta iz stava 4. i 5. ovog člana može se izdati fizičkom i pravnom licu koje ima registrovano vozilo na ime tog fizičkog odnosno pravnog lica."

Član 7.

Član 17., u stavu 2. i 3. riječi "za cjelodnevno parkiranje", mijenjaju se riječima: "za dnevnu parking kartu".

Stav 5., mijenja se i glasi:

"Način izdavanja i uslovi korištenja svih karti propisanih članom 16.a. i 17. Odluke, detaljno će biti uređeni posebnim aktom Preduzeća".

Dodaje se novi stav 6. koji glasi:

"Izdavanje mjesečne, godišnje i stanarske karte ne obavezuje Preduzeće da za iste obezbijedi kontinuirano slobodno parking mjesto".

Član 8.

Član 21., mijenja se i glasi:

"Pravilnost korištenja javnog parkirališta, kontrolišu radnici **Preduzeća**, u skladu sa Zakonom i podzakonskim aktima, ovom Odlukom i aktima **Preduzeća** koji regulišu ovu oblast".

Član 9.

Član 23., mijenja se i glasi:

"Naknada za parkiranje prihod je Preduzeća. Sredstva ostvarena naplatom parkiranja na javnim parkiralištima na području Općine Kalesija Preduzeće koristi za pokriće troškova poslovanja, poboljšanje kvaliteta svih usluga koje pruža Preduzeće, održavanje, uređenje i proširenje javnih parkirališta i drugih objekata preduzeća."

Član 10.

Poslije člana 24., dodaje se novi član 24.a., koji glasi:

U slučajevima povreda odredaba člana 24. stav 1. tačke 1., 2. i 3. ove Odluke, ovlašteni radnici preduzeća će na prednje vjetrobransko staklo vozila korisnika istaknuti UPOZORENJE o kršenju odredbi Odluke o parkinzima i istom ga pozvati da u roku od 5 minuta postupi u skladu sa članom 24. Odluke.

Ukoliko korisnik u roku iz stava 1. ovog člana ne postupi shodno izdatom upozorenju, ovlašteni radnici preduzeća, fotografišu vozilo i sačinjavaju izvještaj o počinjenom prekršaju.

Korisnik kome je izdat izvještaj o počinjenom prekršaju može odmah a najdalje narednog dana do 15 sati, na parkig automatu izvršiti uplatu dnevne karte u iznosu od 5,00KM i dokaz o uplati dostaviti u poslovne prostorije preduzeća, na osnovu čega će preduzeće stormirati izdati izvještaj, a u suprotnom preduzeće dva primjerka dostavlja službi za inspeksijske poslove na dalje postupanje.

Član 11.

Član 27. stav 1., mijenja se i glasi:

"U vršenju inspeksijskog nadzora komunalni inspektor i ovlašteno lice svaki u okviru svoje nadležnosti, ovlašteni su:

- a) kontrolisati da li se djelatnost parkiranja obavlja na način utvrđen Zakonom i ovom Odlukom,
- b) kontrolisati stanje parkirališta,
- c) kontrolisati da li se usluge parkiranja pružaju u skladu sa utvrđenim uslovima,
- d) narediti da se utvrđeni nedostaci i nepravilnosti otklone na način i u roku kako je određeno Zakonom i ovom Odlukom,
- e) zabraniti preduzimanje radnji za koje smatra da su u suprotnosti sa Zakonom i ovom Odlukom,
- f) narediti preduzimanje odgovarajućih radnji koje je subjekt nadzora po Zakonu i ovom Odlukom dužan preduzeti,
- g) pokrenuti prekršajni postupak izdavanjem prekršajnog naloga ili podnošenjem zahtjeva za pokretanje prekršajnog postupka, na sopstvenu inicijativu ili na osnovu prijave i dostavljene dokumentacije preduzeća iz člana 24.a. ove Odluke,
- h) poduzimati druge mjere i radnje za koje je ovlašten Zakonom i ovom Odlukom."

Član 12.

Član 29. stav 1., mijenja se i glasi:

"Novčanom kaznom u iznosu od 30,00 KM do 100,00 KM, kaznit će se lice koje je korisnik usluge

parkiranja:

- ako je postupalo suprotno odredbama iz člana 14. ove Odluke.
- ako je je upravljalo motornim vozilom u vrijeme počinjenja prekršaja iz člana 24. ove Odluke. (Ukoliko vlasnik nije upravljao vozilom, a identitet lica je nepoznat kaznu će platiti vlasnik vozila. Ukoliko je motorno vozilo registrovano na organu izvršne vlasti, organu uprave ili upravnoj organizaciji u FBiH, na zahtjev Službe za inspeksijske poslove Općine Kalesija, koja vrši inspeksijski nadzor nad provođenjem ove Odluke, a za potrebe provođenja prekršajnog postupka, dužan je dati podatke o identitetu vozača, odnosno licu koje je upravljalo motornim vozilom u vrijeme počinjenja prekršaja iz člana 24. ove Odluke, u suprotnom će kaznu platiti vlasnik vozila)".

Dosadašnji stav 2. briše se.

Dosadašnji stav 3. koji postaje stav 2., mijenja se i glasi:

"Novčanom kaznom u iznosu od **50,00 do 100,00 KM** kaznit će se lice koje ošteti automat za naplatu parkiranja ili drugog inventara na javnom parkiralištu."

Dosadašnji stav 4. postaje stav 3.

Član 13.

Ova Odluka stupa na snagu danom objavljivanja u Službenom glasniku općine Kalesija.

Bosna i Hercegovina

Federacija Bosne i Hercegovine

TUZLANSKI KANTON

OPĆINA KALESIJA

OPĆINSKO VIJEĆE

Broj: 01-05-2-6203/17

Datum, 30.10.2017. godine

PREDSJEDAJUĆI
OPĆINSKOG VIJEĆA

mr.med.sc.dr. Enes Idrizović
specijalista opšte hirurgije, s.r.

164

Na osnovu člana 66. stav 1. i člana 68. stav 1 i 2 Zakona o vodama („Službene novine Federacije BiH”, broj 70/06), čl. 13. Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva ("Službene novine Federacije BiH", br.88/12), Općinsko vijeće na sjednici, održanoj 28.10.2017.godine, donosi

O D L U K U O ZONAMA SANITARNE ZAŠTITE I ZAŠTITNIM MJERAMA ZA IZVORIŠTA „KRUŠIK“

I. OPĆE ODREDBE

Član 1.

Ovom Odlukom utvrđuju se zone sanitarne zaštite za izvorišta „Krušik“ koja se koriste za snabdijevanje vodom potrošača u Općini Kalesija, veličine i granice zona sanitarne zaštite, zaštitne mjere, režimi zaštite, nadzor nad provođenjem ove Odluke i druga pitanja od značaja za provođenje sanitarne zaštite izvorišta i na izdašnost izvorišta voda za piće.

Član 2.

Izvorište "Krušik" locirano je jugozapadno od Kalesija, na lokalitetu Krčevina (u daljem tekstu: izvorišta). Administrativno pripada Općini Kalesija, odnosno Tuzlanskom kantonu.

Član 3.

Zaštita izvorišta iz člana 2. ove Odluke vrši se uspostavljanjem i održavanjem zona sanitarne zaštite prema lokalnim uslovima i istražnim radovima izvršenim po Elaboratu "Zona sanitarne zaštite izvorišta „Krušik“ čiji je obrađivač Zavod za vodoprivredu d.d. Sarajevo, septembar 2017. godine (u daljem tekstu: Elaborat), kao i provođenjem zaštitnih mjera utvrđenih ovom Odlukom.

Član 4.

Utvrđivanje zona sanitarne zaštite i zaštitnih mjera utvrđenih ovom Odlukom vrši se u cilju zaštite voda izvorišta od svih vidova zagađenja i štetnih uticaja koji mogu nepovoljno djelovati na higijensku ispravnost vode za piće i na izdašnost izvorišta.

Član 5.

Mjere zaštite izvorišta utvrđene ovom Odlukom ugradiće se, na odgovarajući način, u prostorne dokumente Općina Kalesija u skladu sa Zakonom o prostornom uređenju Federacije BiH i Zakonom o prostornom uređenju Tuzlanskog kantona. Do donošenja novih prostornih dokumenata Općina Kalesija, na mjere zaštite utvrđene ovom Odlukom primjenjivat će se odgovarajuća planska dokumentacija o mjerama za zaštitu izvorišta i ranije doneseni prostorni planovi i ostala planska dokumentacija.

Član 6.

Građenje i rekonstrukcija objekata i njihovo korištenje i obavljanje privredne, komunalne, poljoprivredne, šumarske i drugih djelatnosti na području iz člana 5. stav 1 i 2. ove Odluke mogu se vršiti na područjima zaštitnih zona utvrđenih ovom Odlukom samo na način i u mjeri utvrđenoj ovom Odlukom.

Član 7.

Općinsko vijeće Kalesija nadležno za donošenje prostornih dokumenata Općine Kalesija, u skladu sa Zakonom o prostornom uređenju Tuzlanskog kantona, i za kontrolu provođenja prostornih dokumenata Općine Kalesija, organi uprave Općine Kalesija, privredna društva, druga pravna lica i građani dužni su se pridržavati ove Odluke i dosljedno i pravovremeno primjenjivati zaštitne mjere utvrđene ovom Odlukom.

Prostornim dokumentima Općine Kalesija utvrdiće se i mjere zaštite utvrđene Elaboratom, a, po mogućnosti, i dinamika njihovog izvršenja.

Član 8.

Izvorište iz člana 2. ove Odluke, u skladu sa odlukom Općinskog vijeća Kalesija, upravlja preduzeće JP „Vodovod i kanalizacija“ d.o.o. Kalesija (u daljem tekstu: korisnik vodozahvatnih objekata).

II. ZAŠTITNO PODRUČJE

Član 9.

Zone zaštite izvorišta „Krušik“ utvrđene su u skladu sa članom 6. Pravilnika koji se odnosi na izvorišta podzemnih voda u intergranularnim akviferima uspostavljaju i održavaju četiri zone sanitarne zaštite, i to,

1. Prva (I) zaštitna zona, zona najstrožijih zabrana i ograničenja;
2. Druga (II) zaštitna zona, zona strogih zabrana i ograničenja;
3. Treća (III) zaštitna zona, zona umjerenih zabrana i ograničenja;
4. Četvrta (IV) zaštitna zona, zona preventivnih zabrana i ograničenja.

Zaštitne zone izvorišta „Krušik“ prikazane su na karti mjerila 1:25.000.

U zoni iz prethodnog stava ovog člana primjenjuju se sanitarno - tehničke mjere i druga djelatnost na način utvrđen ovom Odlukom.

Član 10.

(Zaštita, pristup i obilježavanje)

Mjere zaštite u granicama prve zaštitne zone izvorišta „Krušik“ su određene u skladu sa članom 10. Pravilnika.

Područje prve zaštitne zone izvorišta mora biti zaštićeno od neovlaštenog pristupa čvrstom i sigurnom ogradom visine ne manje od 2 m, kao i drugim mjerama fizičke zaštite i osiguranja.

Pristup području prve zaštitne zone dozvoljen je samo zaposlenicima koje odredi JP „Vodovod i Kanalizacija“- Kalesija i nadležnim inspeksijskim organima za vrijeme vršenja kontrole, kao i drugim licima uz posebnu dozvolu i evidenciju korisnika vodozahvatnih objekata.

JP „Vodovod i Kanalizacija“- Kalesija mora na odgovarajući način obilježiti prvu zaštitnu zonu i istaći upozorenje o zabrani neovlaštenog pristupa.

Član 11.

(Provođenje mjera zaštite)

JP „Vodovod i Kanalizacija“- Kalesija dužno je održavati postavljenu ogradu u ispravnom stanju i provoditi obezbjeđenje prve zaštitne zone i objekata u njoj.

Na području prve zaštitne zone, zabranjuju se sve aktivnosti koje nisu u direktnoj vezi sa normalnim radom i održavanjem izvorišta. Aktivnosti koje se sprovode u cilju normalnog rada i održavanja kaptaza i bunara ne smiju štetno djelovati na izvorište.

III – OBUHVAT I GRANICE ZAŠTITNIH ZONA

Član 12.

(Granice prve zaštitne zone)

Bunar BK - 1

Granica I zaštitne zone obezbjeđuje se ogradom ne nižom od dva (2) metra koja se postavlja na udaljenosti ne manjoj od deset (10) metara od vanjskih kontura svih objekata koji se nalaze u vodozahvatnom području od slučajnog ili namjernog zagađenja ili oštećenja.

Obuhvata parcelu kč. 938/3 u vlasništvu općine Kalesija.

Prva zaštitna zona nije propisno ograđena i zaštićena od neovlaštenog pristupa.

Unutar I (prve) zaštitne zone situiran je vodozahvatni objekat odnosno BK-1, te prateći objekti za potrebe sistema vodosnabdijevanja.

Ukupna površina I (prve) zaštitne zone izvorišta je cca 343 m².

Prva zaštitna zona izvorišta predstavlja zonu najstrožijih zabrana i ograničenja.

Bunar BK - 2

Granica I zaštitne zone obezbjeđuje se ogradom ne nižom od dva (2) metra koja se postavlja na udaljenosti ne manjoj od deset (10) metara od vanjskih kontura svih objekata koji se nalaze u vodozahvatnom području od slučajnog ili namjernog zagađenja ili oštećenja.

Obuhvata parcelu kč. 912/2 u vlasništvu općine Kalesija.

Prva zaštitna zona nije propisno ograđena i zaštićena od neovlaštenog pristupa.

Unutar I (prve) zaštitne zone situiran je vodozahvatni objekat odnosno BK-2, te prateći objekti za potrebe sistema vodosnabdijevanja.

Ukupna površina I (prve) zaštitne zone izvorišta je cca 458 m².

Prva zaštitna zona izvorišta predstavlja zonu najstrožijih zabrana i ograničenja.

Bunar BK - 3

Granica I zaštitne zone obezbjeđuje se ogradom ne nižom od dva (2) metra koja se postavlja na udaljenosti ne manjoj od deset (10) metara od vanjskih kontura svih objekata koji se nalaze u vodozahvatnom području od slučajnog ili namjernog zagađenja ili oštećenja.

Obuhvata parcelu kč. 920/2 koja je u vlasništvu općine Kalesija.

Prva zaštitna zona nije propisno ograđena i zaštićena od neovlaštenog pristupa.

Unutar I (prve) zaštitne zone situiran je vodozahvatni objekat odnosno BK-3, te prateći objekti za potrebe sistema vodosnabdijevanja.

Ukupna površina I (prve) zaštitne zone izvorišta je cca 814 m².

Prva zaštitna zona izvorišta predstavlja zonu najstrožijih zabrana i ograničenja.

Bunar BK - 4

Granica I zaštitne zone obezbjeđuje se ogradom ne nižom od dva (2) metra koja se postavlja na udaljenosti ne manjoj od deset (10) metara od vanjskih kontura svih objekata koji se nalaze u vodozahvatnom području od slučajnog ili namjernog zagađenja ili oštećenja.

Obuhvata parcelu dijelom kč. 897. i dijelom kč.902. koja je u vlasništvu općine Kalesija.

Prva zaštitna zona nije zaštićena od neovlaštenog pristupa.

Unutar I (prve) zaštitne zone situiran je vodozahvatni objekat odnosno BK-4, te prateći objekti za potrebe sistema vodosnabdijevanja.

Prva zaštitna zona izvorišta predstavlja zonu najstrožijih zabrana i ograničenja.

Član 13.

(Granice druge zaštitne zone)

Granica II zaštitne zone izvorišta utvrđena je u skladu s članom 6. stav 6. omeđuje teren od vanjske granice I zaštitne zone do linije od koje je podzemnoj vodi, pod pretpostavkom kontinuiranog crpljenja na izvorištu, potrebno je najmanje deset

(10) dana tečenja do vodozahvata.

Druga (II) zaštitna zona izvorišta „Krušik“ obuhvata prostor od rijeke Spreče na jugu, rijeke Gribaje na zapadu i sjeveru i rijeke Otoka Gribaja na istoku.

Ukupna površina druge zaštitne zone izvorišta „Krušik“ iznosi cca 1,86 km².

Unutar druge zaštitne zone se, od potencijalnih zagađivača, nalazi se put Krivača - Vukovije, šumski putevi i poljoprivedna proizvodnja.

Druga zaštitna zona izvorišta „Krušik“ predstavlja zonu sa strogim zabranama i ograničenjima.

Član 14.

(Granice treće zaštitne zone)

Granica III (treće) zaštitna zona izvorišta "Krušik" obuhvata prostor od vanjske granice II (druge) zaštitne zone do linije od koje je podzemnoj vodi, pod pretpostavkom kontinuiranog crpljenja na izvorištu, potrebno najmanje pedeset (50) dana tečenja do vodozahvata.

Granica III (treće) zaštitne zone izvorišta se pruža, sjeverozapadno od izvorišta "Krušik", od vanjske granice II zaštitne zone na sjeveru preko Krušika i Vukovijskog polja do ceste Živinice - Kalesija. Dalje povija ka istoku prateći cestu ka Živinicama do Potrevočakog polja gdje se dalje pruža preko Musića do Tadića.

Od Tadića granica se povija ka jugu prateći lokalnu cestu do Rainaca - Donjih gdje se dalje povija ka jugozapadu preko Pedića i Crne bare, prateći granicu općina Kalesija i Živinice do vanjske granice II zaštitne zone.

Površina treće zaštitne zone izvorišta „Krušik“ je cca 16,5 km².

Unutar treće zaštitne zone se, od potencijalnih zagađivača, nalaze se: magistralni i lokalni putevi, industrijska postrojenja, poljoprivedna proizvodnja, naselja.

Treća zaštitna zona izvorišta "Krušik" predstavlja zonu sa umjerenim zabranama i ograničenjima.

Član 15.

(Granice četvrte zaštitne zone)

Granica IV (četvrte) zaštitne zone izvorišta „Krušik“ obuhvata prostor od vanjske granice treće zaštitne zone do hidrogeološke granice sliva izvorišta.

Granica IV (četvrte) zaštitne zone pruža se od vanjske granice III zone zaštite na sjeverozapadu od Hadžića br (kt.270) preko Vukovija Donjih do Gurbeta (kt.273). Od Gurbeta se povija sjeveroistoku preko kote 361 preko Čivedo Dautovića i Kovačevića odakle se lagano povija ka istoku do Lipovice.

Od Lipovice se povija ka jugoistoku preko Vratolova

(kt.501) do Dubnice odakle se lagano povija ka jugu preko Mihailovića i kote 281 do Olanovice. Od Olanovice se povija ka jugozapadu preko rijeke Spreče i Visa (kt. 450) te dalje ka zapadu prateći granicu općina Kalesija i Živinice do vanjske granice sa III zonom zaštite.

Unutar IV (četvrte) zaštitne zone se, od potencijalnih zagađivača, nalaze se: magistralna cesta Živinice - Kalesija, lokalni putevi, industrijska postrojenja, poljoprivedna proizvodnja, naselja.

Površina četvrte zaštitne zone izvorišta „Krušik“ je cca 31,5 km².

Četvrta zaštitna zona sa preventivnih zabrana i ograničenja obuhvata dio hidrogeološke granice sliva izvorišta „Krušik“.

IV – ZAŠTITNE MJERE ZA IZVORIŠTE I REŽIM ZAŠTITE U ZAŠTITNIM ZONAMA IZVORIŠTA

1. ZAŠTITNE MJERE ZA PODRUČJA OBUHVAĆENA PRVOM ZAŠTITNOM ZONOM IZVORIŠTA I REŽIM ZAŠTITE IZVORIŠTA

Član 16.

Područja prve zaštitne zone izvorišta „Krušik“ mora biti zaštićeno od neovlaštenog pristupa čvrstom i sigurnom ogradom, te drugim potrebnim mjerama fizičke zaštite i osiguranja.

Pristup u područje prve zaštitne zone dozvoljen je samo stručnim licima i zaposlenicima koje odredi korisnik ili vlasnik vodozahvatnih objekata i nadležnim inspeksijskim organima za vrijeme vršenja kontrole. Pristup u područje prve zaštitne zone drugim licima moguć je samo uz posebnu dozvolu i evidenciju korisnika vodozahvatnih objekata.

Na području I (prve) zaštitne zone mogu se, uz primjenu potrebnih mjera zaštite, nalaziti vodozahvatni objekti - bunari, kaptažne građevine, rezervoari, pumpne stanice, postrojenja za prečišćavanje vode, pogonske i administrativne zgrade, prilazni i unutrašnji putevi i drugi objekti neophodni za rad sistema vodosnabdijevanja.

Korisnik ili vlasnik vodozahvatnih objekata dužan je održavati postavljenu ogradu u ispravnom stanju i provoditi obezbjeđenje ove zone i objekata u njoj u smislu odredaba prethodnih stavova.

Korisnik ili vlasnik vodozahvatnih objekata mora, na odgovarajući način, obilježiti prvu zaštitnu zonu izvorišta i istaći upozorenje o zabrani neovlaštenog pristupa.

Na području I (prve) zaštitne zone, zabranjuju se sve aktivnosti koje nisu u direktnoj vezi sa normalnim

radom i održavanjem sistema za vodosnabdjevanje. Aktivnosti koje se provode u cilju normalnog rada i održavanja sistema vodosnabdjevanja ne smiju štetno djelovati na izvorište. Izuzetno se na području prve zaštitne zone izvorišta mogu se provoditi slijedeće aktivnosti:

1. uzgajanje trave bez upotrebe đubriva i drugih agrotehničkih sredstava,
2. provođenje kanalizacije i druge instalacije koje služe za normalan rad objekata vodosnabdjevanja, s tim da je odgovarajućim projektnim i izvođačkim rješenjem osigurano da te instalacije ne mogu ugroziti izvorište,
3. instaliranje trafo-stanica koje sadrže ekološki prihvatljive materije ili imaju nepropusne jame koje onemogućuju curenje ulja i piralena u tlo,
4. skladištenje kemikalija uz primjenu potrebnih mjera osiguranja koja onemogućavaju njihovo štetno djelovanje na izvorište, i
5. instaliranje dizel-agregata (kao rezervni izvori električne energije) uz primjenu potrebnih mjera osiguranja i pojačanim stepenom sigurnosti u odnosu na upotrijebljeno gorivo.

Za izvorište „Krušik“ uspostaviti posebnu kontrolu praćenja kvaliteta vode u izvorištu (monitoring izvorišta), te praćenje svih aktivnosti u slivnom području izvorišta koje se mogu negativno odraziti na režim i kvalitet vode u izvorištu.

2. ZAŠTITNE MJERE ZA PODRUČJA OBUHVAĆENA DRUGOM ZAŠTITNOM ZONOM IZVORIŠTA I REŽIM ZAŠTITE IZVORIŠTA

Član 17

Na području II (druge) zaštitne zone zabranjeno je izvođenje radova, izgradnja objekata i obavljanje aktivnosti kojima se mogu zagaditi vode izvorišta „Krušik“ a naročito:

1. izgradnja novih naselja i izgradnja i rad kanalizacije, osim ako vodonepropusnost kanalizacionih vodova nije obezbijedena i kontrolirana;
2. izgradnja i nekontroliran rad sportskih i rekreacionih objekata bez vodonepropusne kanalizacije;
3. formiranje gradilišta i gradilišnih naselja bez sanitarija i vodonepropusne kanalizacije;
4. izgradnja i eksploatacija izvorišta i bunara koje se ne koriste za javno

vodosnabdjevanje;

5. iskopi u vodonosnim naslagama, osim u kratkom periodu i uz kontrolu kvaliteta podzemne vode;
6. odlaganje svih vrsta čvrstog otpada i izgradnja deponija, uključujući sanitarne deponije;
7. izgradnja i rad industrijskih i zanatskih pogona;
8. izgradnja i rad željeznčkih i ranžirnih stanica i terminala i autobuskih stanica, ukoliko nisu poduzete posebne mjere kojim se spriječava zagađivanje izvorišta;
9. izgradnja i korištenje skladišta rastvorljivih materija opasnih i štenih za vodu;
10. izgradnja i rad stočnih i peradarskih farmi, osim uzgoja do 10 grla krupne stoke i peradi u individualnim domaćinstvima za vlastite potrebe, ako je izgrađena i pravilno radi vodonepropusna kanalizacija, odnosno vodonepropusne septičke jame;
11. izgradnja i eksploatacija cjevovoda za transport kemikalija, tečnih goriva, maziva i drugih opasnih materija;
12. cestovni transport kemikalija, tečnih goriva, maziva i drugih opasnih materija bez odobrenje i pratnje;
13. izvođenje istražnih bušotina na naftu, zemni plin i druge opasne i štetne materije, kao i za mineralnu vodu;
14. eksploatacija mineralnih sirovina;
15. eksploatacija šljunka;
16. sječa šume, izgradnja puteva, izvođenje zemljanih iskopa i druge aktivnosti koje izazivaju ili pospešuju eroziju tla;
17. komercijalni uzgoj ribe, osim biološkog održavanja poribljavanja,
18. izgradnja novih groblja i proširenje i korištenje postojećih,
19. i druge aktivnosti za koje se utvrdi da mogu imati negativne posljedice za izvorište.

Korisnik ili vlasnik vodozahvatnih objekata mora na odgovarajući način obilježiti II (druga) zaštitnu zonu izvorišta.

3. ZAŠTITNE MJERE ZA PODRUČJA OBUHVAĆENA TREĆOM ZAŠTITNOM ZONOM IZVORIŠTA I REŽIM ZAŠTITE U IZVORIŠTA

Član 18.

Na području III (treće) zaštitne zone zabranjeno je izvođenje radova, izgradnja objekata i obavljanje aktivnosti kojima se mogu zagaditi vode izvorišta „Krušik“ a naročito:

1. izgradnja i rad uređaja za prečišćavanje otpadnih voda i uređaja za spaljivanje čvrstog otpada;
2. direktno ili indirektno ispuštanje prečišćenih otpadnih voda na i u tlo;
3. izgradnja i eksploatacija cjevovoda za transport kemikalija, tečnih goriva, maziva i drugih opasnih tečnosti, ukoliko nisu preduzete posebne mjere kojim se spriječava infiltracija ovih tečnosti u podzemnu vodu;
4. izvođenje istražnih bušotina na naftu, zemni plin i druge opasne i štetne materije, kao i mineralnu vodu, ukoliko nisu preduzete posebne mjere kojim se spriječava infiltracija ili izlivanje ovih materija u podzemnu vodu, tj. komunikacija horizon(a)ta sa mineralnom sirovinom i vodonosnog horizonta izvorišta;
5. otvoreno uskladištenje i primjena kemijskih sredstava opasnih i štetnih za vodu, koja se koriste za zaštitu i rast bilja i za uništenje korova;
6. izgradnja i rad stočnih i peradarskih farmi, ukoliko nisu preduzete posebne mjere kojim se spriječava zagađivanje podzemnih voda;
7. izgradnja i korištenje poletno-sletnih staza, sigurnosnih površina i površina za prisilno slijetanje u zračnom saobraćaju;
8. izgradnja i korištenje manevarskih i vojnih poligona;
9. cestovni transport kemikalija, tečnih goriva, maziva i drugih opasnih materija, bez provedenih mjera zaštite podzemnih voda;
10. prerada, manipulacija i skladištenje kemikalija, tečnih goriva, maziva i drugih opasnih i štetnih materija;
11. eksploatacija mineralnih sirovina, osim ako se utvrdi da se tom aktivnošću ne ugrožava kvalitet podzemnih voda u izvorištima;
12. direktno ili indirektno ispuštanje otpadnih voda, kao i nepročišćenih otpadnih voda na tlo, uključujući pražnjenje vozila za čišćenje i odvoz fekalija;
13. izgradnja i rad industrijskih i zanatskih pogona sa nečistom tehnologijom, koji ispuštaju radioaktivne ili druge za vodu štetne i opasne materije (nuklearni reaktori, petrokemijska industrija, metaloprerađivački pogoni, kemijske tvornice, kožarska industrija i drugo);
14. privredne i druge aktivnosti kojima se narušava prirodni režim prihranjivanja podzemnih voda izvorišta;
15. odlaganje svih vrsta čvrstog otpada;
16. izgradnja novih globalja i proširenje i

korištenje postojećih, osim kada se nalaze u područjima koja izgrađuju slabovodopropusne formacije;

17. sječa šume, izgradnja puteva, izvođenje zemljanih iskopa i druge aktivnosti koje izazivaju ili pospešuju eroziju tla;
18. i druge aktivnosti za koje se utvrdi da mogu imati negativne posljedice za karstno izvorišta.

Korisnik ili vlasnik vodozahvatnih objekata mora na odgovarajući način obilježiti III (treća) zaštitnu zonu izvorišta.

4. ZAŠTITNE MJERE ZA PODRUČJA OBUHVAĆENA ČETVRTOM ZAŠTITNOM ZONOM IZVORIŠTA I REŽIM ZAŠTITE IZVORIŠTA

Član 19.

Na području IV (četvrte) zaštitne zone zabranjeno je izvođenje radova, izgradnja objekata i obavljanje aktivnosti kojima se mogu zagađivati vode izvorišta „Krušik“, a naročito:

1. izgradnja i rad uređaja za prečišćavanje otpadnih voda i uređaja za spaljivanje čvrstog otpada ukoliko nisu preduzete posebne mjere kojim se spriječava infiltracija ovih tečnosti u podzemnu vodu;
2. direktno ili indirektno ispuštanje prečišćenih otpadnih voda na i u tlo;
3. izgradnja i eksploatacija cjevovoda za transport kemikalija, tečnih goriva, maziva i drugih opasnih tečnosti, ukoliko nisu preduzete posebne mjere kojim se spriječava infiltracija ovih tečnosti u podzemnu vodu;
4. izvođenje istražnih bušotina na naftu, zemni plin i druge opasne i štetne materije, kao i mineralnu vodu, ukoliko nisu preduzete posebne mjere kojim se spriječava infiltracija ili izlivanje ovih materija u podzemnu vodu, tj. komunikacija horizon(a)ta sa mineralnom sirovinom i vodonosnog horizonta izvorišta;
5. otvoreno uskladištenje kemijskih sredstava opasnih i štetnih za vodu a koja se koriste za zaštitu i rast bilja i za uništenje korova ukoliko nisu preduzete posebne mjere kojim se spriječava infiltracija ovih tečnosti u podzemnu vodu;
6. izgradnja i rad stočnih i peradarskih farmi, ukoliko nisu preduzete posebne mjere kojim se spriječava zagađivanje podzemnih voda;

7. izgradnja i korištenje poletno-sletnih staza, sigurnosnih površina i površina za prisilno slijetanje u zračnom saobraćaju;
8. izgradnja i korištenje manevarskih i vojnih poligona;
9. cestovni transport kemikalija, tečnih goriva, maziva i drugih opasnih materija, bez provedenih mjera zaštite podzemnih voda;
10. prerada, manipulacija i skladištenje kemikalija, tečnih goriva, maziva i drugih opasnih i štetnih materija ukoliko nisu preduzete posebne mjere kojim se sprječava infiltracija ovih tečnosti u podzemnu vodu;
11. eksploatacija mineralnih sirovina;
12. direktno ili indirektno ispuštanje otpadnih voda, kao i nepročišćenih otpadnih voda na tlo, uključujući pražnjenje vozila za čišćenje i odvoz fekalija;
13. izgradnja i rad industrijskih i zanatskih pogona sa nečistom tehnologijom, koji ispuštaju radioaktivne ili druge za vodu štetne i opasne materije (nuklearni reaktori, petrokemijska industrija, metaloprerađivački pogoni, kemijske tvornice, kožarska industrija i drugo) ukoliko nisu preduzete posebne mjere kojim se sprječava infiltracija ovih tečnosti u podzemnu vodu;
14. privredne i druge aktivnosti kojima se narušava prirodni režim prihranjivanja podzemnih voda izvorišta;
15. odlaganje svih vrsta čvrstog otpada;
16. izgradnja novih grobalja i proširenje i korištenje postojećih, osim kada se nalaze u područjima koja izgrađuju slabovodopropusne formacije;
17. sječa šume, izgradnja puteva, izvođenje zemljanih iskopa i druge aktivnosti koje izazivaju ili pospješuju eroziju tla;
18. i druge aktivnosti za koje se utvrdi da mogu imati negativne posljedice za karstno izvorište.

Korisnik ili vlasnik vodozahvatnih objekata mora, na odgovarajući način, obilježiti IV (četvrtu) zaštitnu zonu izvorišta „Krušik“.

V – NADZOR NAD PROVOĐENJEM OVE ODLUKE

Član 20.

Nadzor nad provođenjem ove Odluke vrši Ministarstvo poljoprivrede, vodoprivrede i šumarstva Tuzlanskog kantona.

Član 21.

Inspekcijski nadzor nad provođenjem ove Odluke vrše inspektori Tuzlanskog kantona.

VI - KAZNE ODREDBE

Član 22.

Novčanom kaznom od 5.000 do 50.000 KM kazniće se za prekršaj pravno lice ako ne provodi odluku o zaštiti izvorišta iz člana 204. stav 1. tačka 10. Federalnog Zakona o vodama («Službene novine FBiH», broj 70/06).

Član 23.

Novčanom kaznom od 2.000 do 20.000 KM kazniće se za prekršaj pravno lice ako se ne pridržava odredbi člana 205. Federalnog Zakona o vodama («Službene novine FBiH», broj 70/06).

Član 24.

Novčanom kaznom od 100 do 2000 KM kazniće se za prekršaj fizičko lice ako se ne pridržava odredbi člana 206. Federalnog Zakona o vodama («Službene novine FBiH», broj 70/06).

VII - PRELAZNE I ZAVRŠNE ODREDBE

Član 25

(Uređenje prve zaštitne zone)

Na području prve zaštitne zone izvorišta „Krušik” izvršit će se uređenje prostora i provođenje zaštitnih mjera u skladu sa ovom Odlukom i Elaboratom zaštite u roku od šest mjeseci od dana stupanja na snagu ove Odluke.

JP „Vodovod i Kanalizacija“ – Kalesija je dužna izvršiti radnje iz članova 10-11. ove Odluke za koje je ovom Odlukom zadužena u roku od 365 dana od dana stupanja na snagu ove Odluke.

Član 26.

(Obaveza pridržavanja odredbi)

JP „Vodovod i Kanalizacija“ - Kalesija i druga pravna, fizička lica dužni su pridržavati se odredaba ove Odluke i primjenjivati ovom Odlukom propisane mjere za zaštitu izvorišta „Krušik” u Općini Kalesija.

Član 27.

Danom stupanja na snagu ove odluke prestaje važiti Odluka o zaštiti izvorišta Krušik (“Službeni Glasnik Općine Kalesija”, broj 9/98).

Član 28.

(Stupanje na snagu)

Odluka stupa na snagu danom objavljivanja u „Službenom glasniku općine Kalesija.

Bosna i Hercegovina Federacija Bosne i Hercegovine TUZLANSKI KANTON OPĆINA KALESIJA OPĆINSKO VIJEĆE Broj: 01-05-2-6199/17 Datum, 30.10.2017. godine	PREDSJEDAVAJUĆI OPĆINSKOG VIJEĆA mr.med.sc.dr. Enes Idrizović specijalista opšte hirurgije, s.r.
---	---

165

Na osnovu člana 13. Zakona o principima lokalne samouprave u FBiH („Sl.novine FBiH”, broj 49/06 i 51/09) i člana 42. Statuta općine Kalesija-Prečišćeni tekst ("Sl. glasnik općine Kalesija", broj 10/07, 7/08, 10/11, 3/12 i 6/13), člana 3. Programa asfaltiranja puteva na području općine Kalesija u periodu 2017-2020 godina ("Sl. glasnik općine Kalesija", br. 2/17), Općinsko vijeće Kalesija na sjednici održanoj dana 28.10.2017 godine, donosi

ODLUKU

o dopunama Plana asfaltiranja i rekonstrukcije putnih pravaca na području općine Kalesija u 2017. godini

I

U tački II. Plana asfaltiranja i rekonstrukcije putnih pravaca na području općine Kalesija u 2017. godini ("Sl. glasnik općine Kalesija", br. 6/17 i 9/17), u tabeli liste prioriteta asfaltiranja lokalnih i nekategorisanih puteva, dodaje se, pod rednim brojem 9. : "Put Šermetovići-mezarje , u Mjesnoj zajednici Gojčin".

II

U ostalim dijelovima Plan ostaje neizmjenjen.

III

Odluka stupa na snagu danom objavljivanja u "Službenom glasniku općine Kalesija".

Bosna i Hercegovina Federacija Bosne i Hercegovine TUZLANSKI KANTON OPĆINA KALESIJA OPĆINSKO VIJEĆE Broj: 01-05-2-6200/17 Datum, 30.10.2017. godine	PREDSJEDAVAJUĆI OPĆINSKOG VIJEĆA mr.med.sc.dr. Enes Idrizović specijalista opšte hirurgije, s.r.
---	---

166

Na osnovu člana 13. Zakona o principima lokalne samouprave („Sl. novine FBiH“, broj 49/06 i 51/09), člana 42. Statuta općine Kalesija – Prečišćen tekst (“Sl. glasnik općine Kalesija”, 10/07, 7/08, 10/11, 3/12 i 6/13) i člana 104. Poslovnika o radu Općinskog vijeća Kalesija – Prečišćen tekst (“Sl. glasnik općine Kalesija”, broj 6/08, 10/11 i 9/16), Općinsko vijeće Kalesija, na 8. redovnoj sjednici, održanoj 28.10.2017.godine, donijelo je sljedeći

ZAKLJUČAK

I

Prihvata se Nacrt budžeta općine Kalesija za period od 01.01. do 31.12.2018.godine i isti se upućuje na javnu raspravu, a iznesene primjedbe na sjednici Općinskog vijeća, tretiraće se kao i sve primjedbe koje na Nacrt budu upućene u toku javne rasprave, odnosno predlagač budžeta uzet će ih u razmatranje prilikom izrade prijedloga budžeta za 2018.godinu.

Javna rasprava će trajati 30 dana, istu će organizovat i provest Služba za privredu i budžet u saradnji sa Službom za opću upravu i društvene djelatnosti.

O javnoj raspravi i prihvaćenim zaključcima organizator izrađuje izvještaj i dostavlja Općinskom vijeću.

II

Zaključak će biti objavljen u „Službenom glasniku općine Kalesija“.

Bosna i Hercegovina Federacija Bosne i Hercegovine TUZLANSKI KANTON OPĆINA KALESIJA OPĆINSKO VIJEĆE Broj: 01-05-2-6204/17 Datum, 30.10.2017. godine	PREDSJEDAVAJUĆI OPĆINSKOG VIJEĆA mr.med.sc.dr. Enes Idrizović specijalista opšte hirurgije, s.r.
---	---

167

Na osnovu člana 13. Zakona o principima lokalne samouprave („Sl. novine FBiH“, broj 49/06 i 51/09), člana 42. Statuta općine Kalesija – Prečišćen tekst (“Sl. glasnik općine Kalesija”, 10/07, 7/08, 10/11, 3/12 i 6/13) i člana 104. Poslovnika o radu Općinskog vijeća Kalesija – Prečišćen tekst (“Sl. glasnik općine Kalesija”, broj 6/08, 10/11 i 9/16), Općinsko vijeće Kalesija, na 8. redovnoj sjednici, održanoj 28.10.2017.godine, donijelo je sljedeći

Z A K L J U Č A K

I

Prihvata se Nacrt Odluke o usvajanju i provođenju izmjena i dopuna Regulacionog plana "Sjeverna zona" Kalesija i isti se upućuje na javnu raspravu, a iznesene primjedbe na sjednici Općinskog vijeća, tretiraće se kao i sve primjedbe koje na Nacrt budu upućene u toku javne rasprave, odnosno predlagač Odluke uzet će ih u razmatranje prilikom izrade prijedloga Odluke o usvajanju i provođenju izmjena i dopuna Regulacionog plana "Sjeverna zona" Kalesija.

Javna rasprava će trajati 15 dana, istu će organizovati i provesti Služba za prostorno uređenje, geodetske i imovinsko-pravne poslove u saradnji sa Službom za opću upravu i društvene djelatnosti u Mjesnoj zajednici Kalesija Centar.

O javnoj raspravi i prihvaćenim zaključcima organizator izrađuje izvještaj i dostavlja Općinskom vijeću.

II

Zaključak će biti objavljen u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-2-6205/17
Datum, 30.10.2017. godine

PREDSJEDAVAJUĆI
OPĆINSKOG VIJEĆA
mr.med.sc.dr. Enes Idrizović
specijalista opšte hirurgije, s.r.

168

Na osnovu člana 13. Zakona o principima lokalne samouprave („Sl. novine FBiH“, broj 49/06 i 51/09), člana 42. Statuta općine Kalesija – Prečišćen tekst („Sl. glasnik općine Kalesija“, 10/07, 7/08, 10/11, 3/12 i 6/13) i člana 104. Poslovnika o radu Općinskog vijeća Kalesija – Prečišćen tekst („Sl. glasnik općine Kalesija“, broj 6/08, 10/11 i 9/16), Općinsko vijeće Kalesija, na 8. redovnoj sjednici, održanoj 28.10.2017.godine, donijelo je slijedeći

Z A K L J U Č A K

I

Usvaja se Izvještaj o realizaciji projekata iz Strategije razvoja općine Kalesija zasnovane na poštivanju ljudskih prava u 2016. godini.

II

Zaključak će biti objavljen u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-3299/17
Datum, 30.10.2017. godine

PREDSJEDAVAJUĆI
OPĆINSKOG VIJEĆA
mr.med.sc.dr. Enes Idrizović
specijalista opšte hirurgije, s.r.

169

Na osnovu člana 13. Zakona o principima lokalne samouprave („Sl. novine FBiH“, broj 49/06 i 51/09), člana 42. Statuta općine Kalesija – Prečišćen tekst („Sl. glasnik općine Kalesija“, 10/07, 7/08, 10/11, 3/12 i 6/13) i člana 104. Poslovnika o radu Općinskog vijeća Kalesija – Prečišćen tekst („Sl. glasnik općine Kalesija“, broj 6/08, 10/11 i 9/16), Općinsko vijeće Kalesija, na 8. redovnoj sjednici, održanoj 28.10.2017.godine, donijelo je slijedeći

Z A K L J U Č A K

I

Prihvata se Informacija o završenoj školskoj 2016/2017 godini i upisu učenika u prvi razred osnovnih i srednje škole na području općine Kalesija

II

Zaključak će biti objavljen u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-3306/17
Datum, 30.10.2017. godine

PREDSJEDAVAJUĆI
OPĆINSKOG VIJEĆA
mr.med.sc.dr. Enes Idrizović
specijalista opšte hirurgije, s.r.

170

Na osnovu člana 13. Zakona o principima lokalne samouprave („Sl. novine FBiH“, broj 49/06 i 51/09), člana 42. Statuta općine Kalesija – Prečišćen tekst („Sl. glasnik općine Kalesija“, 10/07, 7/08, 10/11, 3/12 i 6/13) i člana 104. Poslovnika o radu Općinskog vijeća Kalesija – Prečišćen tekst („Sl. glasnik općine Kalesija“, broj 6/08, 10/11 i 9/16), Općinsko vijeće Kalesija, na 8. redovnoj sjednici, održanoj 28.10.2017.godine, donijelo je slijedeći

Z A K L J U Č A K

I

Usvaja se Izvještaj o radu i poslovanju u 2016. godini Skuštine JP "Vodovod i kanalizacija Kalesija" d.o.o. Kalesija.

II

Zaključak će biti objavljen u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-3303/17
Datum, 30.10.2017. godine

PREDSJEDAVAJUĆI
OPĆINSKOG VIJEĆA
mr.med.sc.dr. Enes Idrizović
specijalista opšte hirurgije, s.r.

171

Na osnovu člana 13. Zakona o principima lokalne samouprave („Sl. novine FBiH“, broj 49/06 i 51/09), člana 42. Statuta općine Kalesija – Prečišćen tekst („Sl. glasnik općine Kalesija“, 10/07, 7/08, 10/11, 3/12 i 6/13) i člana 104. Poslovnika o radu Općinskog vijeća Kalesija – Prečišćen tekst („Sl. glasnik općine Kalesija“, broj 6/08, 10/11 i 9/16), Općinsko vijeće Kalesija, na 8. redovnoj sjednici, održanoj 28.10.2017.godine, donijelo je slijedeći

Z A K L J U Č A K

I

Usvaja se Izvještaj o radu i poslovanju u 2016. godini Skuštine JP "Veterinarska stanica" d.o.o. Kalesija.

II

Zaključak će biti objavljen u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj: 01-05-3304/17
Datum, 30.10.2017. godine

PREDSJEDAVAJUĆI
OPĆINSKOG VIJEĆA
mr.med.sc.dr. Enes Idrizović
specijalista opšte hirurgije, s.r.

S a d r Ź a j

OPĆINSKO VIJEĆE		
Strana		
161	Odluka o izmjenama Odluke o izboru članova vijeća Mjesnih zajednica na području općine Kalesija	634
162	Odluka o određivanju lokacije za izgradnju hladnjače za voće i povrće	635
163	Odluka o izmjenama i dopunama Odluke o javnim parkiralištima na području općine Kalesija	635
164	Odluka o zonama sanitarne zaštite i zaštitnim mjerama za izvorišta „Krušik“	637
165	Odluka o dopunama Plana asfaltiranja i rekonstrukcije putnih pravaca na području općine Kalesija u 2017. godini	644
166	Zaključak	644
167	Zaključak	644
168	Zaključak	645
169	Zaključak	645
170	Zaključak	645
171	Zaključak	646